

**BOSNA I HERCEGOVINA**  
**FEDERACIJA BOSNE I HERCEGOVINE**  
**JU "KANTONALNI CENTAR ZA SOCIJALNI RAD"**  
**Ul. Gatačka br. 80, Sarajevo**

Broj: 31-01/05-120-1158.37/23  
Sarajevo, 01.09.2023. godine

Na osnovu člana 39. Pravila JU "Kantonalni centar za socijalni rad" i člana 17. Uredbe o postupku prijema u radni odnos u javnom sektoru na teritoriji Kantona Sarajevo ("Službene novine Kantona Sarajevo" br: 19/21, 10/22, 28/23), a na prijedlog Komisije za prijem u radni odnos broj: 31-01/05-120-1158.34/23 od 29.08.2023.godine, direktor JU "Kantonalni centar za socijalni rad" donosi

**O D L U K U**  
**o poništenju dijela javnog oglasa**

**Član 1.**

Poništava se dio Javnog oglasa za prijem radnika u radni odnos na neodređeno vrijeme broj: 31-01/05-120-1158.6/23 od 19.07.2023.godine, koji je objavljen na internet stranicama JU "Kantonalni centar za socijalni rad" i JU "Službe za zapošljavanje Kantona Sarajevo" dana 21.07.2023. godine, Obavijest o javnom oglasu objavljena u novinama „Dnevni avaz“ dana 21.07.2023.godine.

**Član 2.**

Poništenje se odnosi na sljedeća radna mjesta:

1. **Viši stručni saradnik – psiholog..... 1 (jedan) izvršilac** u Službi socijalne zaštite općine Ilidža sa odjeljenjem Trnovo, ul. Abdulaha ef. Kantamirije br. 2B, Ilidža;
2. **Viši stručni saradnik – psiholog..... 1 (jedan) izvršilac** u Službi socijalne zaštite općine Ilijaš, ul. Ivana Franje Jukića do br. 6, Ilijaš;
3. **Viši stručni saradnik – psiholog..... 1 (jedan) izvršilac** u Službi socijalne zaštite općine Stari Grad, ul. Zelenih beretki br. 14, Sarajevo;

U ostalom dijelu javni oglas ostaje nepromijenjen.

**Član 3.**

Odluka stupa na snagu danom donošenja i ista će se objaviti na web stranici JU "Kantonalni centar za socijalni rad" i na web stranici JU "Službe za zapošljavanje Kantona Sarajevo" u roku od tri dana od dana donošenja i ista će ostati objavljena najkraće 15 dana.

**Obrazloženje**

Dana 21.07.2023.godine objavljen je Javni oglas za prijem radnika u radni odnos na neodređeno vrijeme broj: 31-01/05-120-1158.6/23 od 19.07.2023.godine za radna mjesta: **Viši stručni saradnik – psiholog** u Službi socijalne zaštite općine Ilidža sa odjeljenjem Trnovo, **Viši stručni saradnik – psiholog** u Službi socijalne zaštite općine Ilijaš, **Viši stručni saradnik – psiholog** u Službi socijalne zaštite općine Stari Grad, **Viši stručni saradnik – pedagog** u Službi socijalne zaštite općine Ilidža sa odjeljenjem Trnovo, **Stručni saradnik za ekonomske poslove** u Službi za računovodstvene poslove.

Rješenjem broj 31-01/05-120-1158.1/23 od 07.07.2023. i broj: 31-01/05-120-1158.30/23 od 23.08.2023. godine, imenovana je Komisija za provođenje javnog oglasa za prijem radnika u radni odnos na neodređeno vrijeme za gore navedena radna mjesta.

Komisija je na sjednici održanoj dana 08.08.2023. godine uz prisustvo supervizora imenovanog od strane Ureda za borbu protiv korupcije i upravljanja kvalitetom u Kantonu Sarajevo izvršila otvaranje i pregled svih pristiglih prijava i dostavljenih dokaza po Javnom oglasu broj 31-01/05-120-1158.6/23 od 19.07.2023. godine i tom prilikom utvrđeno je da za radna mjesta **Viši stručni saradnik – psiholog** u Službi socijalne zaštite općine Ilidža sa odjeljenjem Trnovo, **Viši stručni saradnik – psiholog** u Službi socijalne zaštite općine Ilijaš i **Viši stručni saradnik – psiholog** u Službi socijalne zaštite općine Stari Grad nijedna od pristiglih prijava ne ispunjava uslove iz javnog oglasa, te shodno tome Komisija nije mogla u skladu sa odredbom člana 11.stav 1) Uredbe sačiniti spisak lica među kojima se provodi izborni postupak.

Komisija je dana 30.08.2023. godine dostavila Direktorima obavještenje broj: 31-01/05-120-1158.34/23 od 29.08.2023. godine, u kojem predlaže da se donese odluka o poništenju dijela javnog oglasa za prijem radnika u radni odnos na neodređeno vrijeme za radna mjesta **Viši stručni saradnik – psiholog** u Službi socijalne zaštite općine Ilidža sa odjeljenjem Trnovo, **Viši stručni saradnik – psiholog** u Službi socijalne zaštite općine Ilijaš, **Viši stručni saradnik – psiholog** u Službi socijalne zaštite općine Stari Grad iz razloga što nijedna prijava za navedena radna mjesta ne ispunjava formalno pravne uslove predviđene Javnim oglasom. Obzirom na navedeno, donesena je odluka kao u dispozitivu.

Dostaviti:

- Služba za pravne poslove i koordinaciju,
- Služba za računovodstvene poslove
- JU “Služba za zapošljavanje KS”
- Prijavljenim kandidatima
- [www.kscr.ba](http://www.kscr.ba)
- a/a.

